

**KERATAN AKHBAR-AKHBAR TEMPATAN
TARIKH: 8 JUN 2015 (ISNIN)**

Bil	Tajuk	Akhbar
1.	Gempa bumi susulan sebabkan tanah runtuh	Utusan Malaysia
2.	53 gempa bumi susulan berlaku di Ranau	KOSMO
3.	Gempa bumi susulan sebabkan tanah runtuh	Utusan Online
4.	52 lagi gegaran susulan berlaku	Berita Harian
5.	Negara miliki 44 Pengesan gempa bumi	Utusan Malaysia
6.	Early warning	The Sun
7.	Penduduk Sabah usah panik – MetMalaysia	Utusan Malaysia
8.	64 stesen kesan gempa bumi	Sinar Harian
9.	44 stesen seismik kesan gegaran bumi di pasang	Harian Metro
10.	MKN, Meteorologi bincang sistem amaran awal	Utusan Malaysia
11.	“Hanya sesuai dipasang di kawasan aktif”	Berita Harian
12.	Earhquakes cannot be predicted, says Met Dept	Malay Mail
13.	Pertingkat mekanisme amaran awal Gunung Kinabalu	Utusan Malaysia
14.	UTM perkenal kod reka bentuk tahan gempa	Utusan Malaysia
15.	Bukit Tinggi ada potensi bergegar	Harian Metro
16.	UTM cipta alat serap gegaran	Berita Harian
17.	Boosting income in northern states	The Star
18.	Northern Corridor can contribute to 37% of padi output	The Star

Gempa bumi susulan sebabkan tanah runtuh

Oleh **AZMAN IBRAHIM**
pengarang@utusan.com.my

■ KUALA LUMPUR 7 JUN

SEBANYAK 52 gempa bumi susulan yang berlaku sehingga pukul 12 tengah hari ini di Sabah dengan kekuatan antara 1.6 hingga 4.5 pada skala Richter, boleh menyebabkan berlakunya tanah runtuh di sekitar Gunung Kinabalu.

Menteri Sains, Teknologi dan Inovasi, Datuk Dr. Ewon Ebin berkata, sehubungan itu orang ramai dinasihatkan berhati-hati dan sentiasa mengambil langkah berjaga-jaga.

Mengenai warna air di Hot Spring Poring berubah menjadi hitam, jelasnya, menurut kajian pakar geologi, hal itu merupakan fenomena biasa selepas berlaku gempa bumi disebabkan berlakunya percampuran tanah atau lumpur.

“Gunung Kinabalu sudah terbentuk tujuh hingga lapan juta tahun dahulu. Pada asalnya, gunung itu merupakan gunung berapi tetapi sudah mati dan kini tiada sebarang petunjuk mengatakannya kembali aktif.

“Kali terakhir berlaku letupan gunung berapi adalah puluhan ribu tahun dahulu iaitu di Tawau dan Semporna,” katanya dalam kenyataan yang dikeluarkan di sini hari ini.

Dalam pada itu tambah Ewon, Jabatan Meteorologi Malaysia telah menubuhkan *War Room* di Pejabat Meteorologi Kota Kinabalu, Lapangan Terbang Antarabangsa Kota Kinabalu.



EWON EBIN

War Room tersebut akan dijadikan tempat rujukan orang awam untuk mendapatkan maklumat terkini mengenai status gempa bumi tersebut dan gempa-gempa susulan yang berlaku dengan menghubungi talian 088-413690 atau 088-413691.

Jelas Ewon, orang awam juga boleh mendapatkan maklumat berkaitan

daripada laman sesawang MetMalaysia di alamat <http://met.gov.my>, web rasmi m.met.gov.my, facebook <https://www.facebook.com/malaysiamet>, twitter <https://twitter.com/malaysiamet> atau MetMalaysia hotline di talian 130022 1MET (1638).

53 gempa susulan berlaku di Ranau



EWON EBIN

KUALA LUMPUR - Sebanyak 53 gempa bumi susulan dengan kekuatan lemah antara 1.6 hingga 4.5 pada skala Richter berlaku di Ranau, Sabah sehingga pukul 2 petang semalam.

Menteri Sains, Teknologi dan Inovasi, Datuk Dr. Ewon Ebin berkata, walaupun kekuatan gempa susulan itu lemah, ia boleh menyebabkan

bahaya berlaku tanah runtuh di sekitar Gunung Kinabalu.

"Justeru orang ramai dinasihatkan berhati-hati dan sentiasa mengambil langkah berjaga-jaga bagi mengelakkan berlaku kemalangan jiwa di kawasan yang berisiko," kata beliau dalam satu kenyataan akhbar di sini semalam.

Menurut Ewon yang juga Ahli Parlimen Ranau, Gunung

Kinabalu sudah terbentuk sekitar tujuh hingga lapan juta tahun lalu dan gunung tersebut sebenarnya gunung berapi yang sudah mati.

"Tiada petunjuk Gunung Kinabalu bakal kembali aktif, jadi perkara itu tidak seharusnya menambah kebimbangan penduduk di negeri ini," jelas beliau dalam kenyataan itu.

